

ხელშეკრულება №01-180/2020
სახელმწიფო შესყიდვის შესახებ
(გამარტივებული შესყიდვა)

ქ.თბილისი

04 აგვისტო, 2020 წელი

შემსყიდველი: სსიპ - ცხოველთა მონიტორინგის სააგენტო (შემდგომში წოდებული „შემსყიდველად“), წარმოდგენილი დირექტორის მოადგილის ლევან მამალაძის სახით

მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;

საიდენტიფიკაციო კოდი: 205316399;

საბანკო რეკვიზიტები: სახელმწიფო ხაზინა, ხაზინის ერთიანი ანგარიში ბ/კოდი: TRESGE22;

მიმწოდებელი: სსიპ სოფლის მეურნეობის სახელმწიფო ლაბორატორია (შემდგომში წოდებული „მიმწოდებლად“), წარმოდგენილი დირექტორის ირაკლი გულედანის სახით;

მისამართი: ქ. თბილისი, გომიაშვილის ქუჩა №49;

საიდენტიფიკაციო ნომერი: 205162802.

საბანკო რეკვიზიტები: ბ/კოდი: TRESGE22, სახაზინო კოდი 7 0752 7102.

ერთი მხრივ **შემსყიდველი**, ხოლო მეორე მხრივ **მიმწოდებელი**, ხელმძღვანელობენ რა საქართველოში მოქმედი კანონმდებლობით, ადასტურებენ, რომ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“ -ს მე-2 მუხლის „ა“ პუნქტის თანახმად, გამარტივებული შესყიდვის წესით დებენ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინთა გარმანტეხები:

1.1. „ხელშეკრულება სახელმწიფო შესყიდვების შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3. „დღე“, „კვირა“, „თვე“ - კალენდარული დღე, კვირა, თვე;

1.4. „შემსყიდველი“ - ორგანიზაცია, რომელიც ახორციელებს შესყიდვას;

1.5. „მიმწოდებელი“ - პირი, რომელიც ახორციელებს მომსახურების გაწევას ხელშეკრულების ფარგლებში;

1.6. „შესყიდვის ობიექტი“ - წინამდებარე ხელშეკრულების მუხლი 2-ით გათვალისწინებული ხელშეკრულების საგანი;

2. ხელშეკრულების საგანი

2.1. წინამდებარე ხელშეკრულების საგანს წარმოადგენს, შემსყიდველის მიერ, მიმწოდებლისგან ძალის სისხლის შრატში ლეიშმანიოზის საწინააღმდეგო IgG ანტისხეულების აღმოჩენის მომსახურების (შემდგომში „მომსახურება“) შესყიდვა, წინამდებარე ხელშეკრულებით გათვალისწინებული პირობების შესაბამისად (CPV73111000 - კვლევითი ლაბორატორიის მომსახურება);

2.2. დაფინანსების წყარო: ადგილობრივი თვითმმართველი ერთეულის ბიუჯეტი; შესყიდვა განხორციელდება N73-01202162468 მოხსენებითი ბარათის მოთხოვნის საფუძველზე.

3. მხარეთა უფლება-მოვალეობები

3.1. მიმწოდებელი ვალდებულია:

3.1.1. გაუწიოს შემსყიდველს სტანდარტების შესაბამისი უნაკლო მომსახურება, წინამდებარე ხელშეკრულების პირობებისა და შემსყიდველის მოთხოვნის შესაბამისად;

3.1.2. მომსახურების გაწევის შემდეგ გასცეს შესაბამისი დასკვნა;

3.1.3. იმ შემთხვევაში, თუ მიმწოდებლის მიერ გაწეული მომსახურება აღმოჩნდა უხარისხო ან/და ნაკლის მქონე, მიმწოდებელი ვალდებულია დაუყოვნებლივ აღმოფხვრას აღნიშნული ნაკლოვანება, განმეორებით გაუწიოს ხარისხიანი მომსახურება;

3.1.4. მხარეთა შორის მიღება-ჩაბარების აქტის გაფორმებისთანავე, წარუდგინოს შემსყიდველს შესაბამისი საგადასახადო დოკუმენტაცია, წინამდებარე ხელშეკრულების 6.3. პუნქტის შესაბამისად;

3.1.5. დაიცვას ხელშეკრულებით გათვალისწინებული ყველა პირობა.

3.2. მიმწოდებელი უფლებამოსილია:

მოსთხოვოს შემსყიდველს მომსახურების ღირებულების ანაზღაურება წინამდებარე ხელშეკრულებით გათვალისწინებული პირობების შესაბამისად;

3.3. შემსყიდველი უფლებამოსილია:

3.3.1. ინსპექტირების შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ;

3.3.2. ამ მუხლის 3.1. პუნქტის 3.1.1 ქვეპუნქტით გათვალისწინებული ვალდებულების შეუსრულებლობით გამოწვეული ზიანის შემთხვევაში, მოსთხოვოს მიმწოდებელს შესაბამისი ხარჯების ანაზღაურება.

3.3.3. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

3.4. შემსყიდველი ვალდებულია:

3.4.1. მოახდინოს ანგარიშსწორება მიმწოდებელთან წინამდებარე ხელშეკრულების შესაბამისად;

3.4.2. უზრუნველყოს მომსახურების მიღება მიმწოდებლის მისამართზე;

4. ხელშეკრულების ღირებულება

4.1. წინამდებარე ხელშეკრულების ღირებულება შეადგენს **20.00 (ოცი) ლარს;**

4.2. მომსახურების ერთეულის ღირებულება 20 ლარი;

4.3. წინამდებარე ხელშეკრულებით გათვალისწინებული ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს.

5. ანგარიშსწორების წესი

5.1. მხარეთა შორის ანგარიშსწორება მოხდება ეროვნულ ვალუტაში, უნაღდო ანგარიშსწორების წესით;

5.2. შემსყიდველი ვალდებულია მხარეთა შორის მიღება-ჩაბარების აქტის გაფორმებიდან 10 (ათი) სამუშაო დღის განმავლობაში მოახდინოს წინამდებარე ხელშეკრულებით გათვალისწინებული ღირებულების ანაზღაურება;

5.3. მომსახურების გაწევის თარიღად ითვლება მხარეთა მიერ მიღება-ჩაბარების აქტზე ხელმოწერის თარიღი;

5.4. იმ შემთხვევაში, თუ მიმწოდებელი წინამდებარე ხელშეკრულებით გათვალისწინებული წესითა და ვადაში არ წარუდგენს შემსყიდველს დოკუმენტაციას ანგარიშსწორებისთვის, შემსყიდველს არ დაეკისრება ვალდებულების შესრულების ვადის გადაცილებისთვის გათვალისწინებული პირგასამტეხლო;

6. მომსახურების გაწევის ადგილი, ვადები და მიღება-ჩაბარების წესი

6.1. მომსახურების გაწევის ადგილია: ქ. თბილისი, გომიაშვილის ქუჩა №49;

6.2. მომსახურების შესყიდვის პარალელურად, მიმწოდებელი ვალდებულია უზრუნველყოს საქართველოში მოქმედი კანონმდებლობით გათვალისწინებული თანმხლები დოკუმენტაციის წარდგენა შემსყიდველისათვის (არსებობის შემთხვევაში საგადასახადო ანგარიშ-ფაქტურა);

6.3. მომსახურების გაწევის ვადა: ხელშეკრულების გაფორმებიდან 1-3 დღე;

6.4. მომსახურება ჩაითვლება მიღებულად, აღნიშნულის თაობაზე გაფორმებული მიღება-ჩაბარების აქტის ხელმოწერის დღიდან. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება, სააგენტოს ცხოველთა კონტროლისა და რეგულირების დეპარტამენტის ცხოველთა თავშესაფარის განყოფილების უფროსის მოადგილეს მამუკა საყვარელიძეს, მიმწოდებლის მხრიდან კი - სსიპ - სოფლის მეურნეობის სამინისტროს ლაბორატორიის ნიმუშების რეგისტრაციის და სტატისტიკური დამუშავების განყოფილების უფროსს მარინა სოსელიას.

7. ხელშეკრულების ინსპექტირება

7.1. წინამდებარე ხელშეკრულების შესრულებაზე ინსპექტირებას ახორციელებს შემსყიდველის მიერ სათანადოდ დანიშნული პირი - ცხოველთა კონტროლისა და რეგულირების დეპარტამენტის ცხოველთა თავშესაფარის განყოფილების უფროსის მოადგილე დავით რეკვაია;

7.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა დაუყოვნებლივ;

7.3. შემსყიდველი უფლებამოსილია ნებისმიერ დროს განახორციელოს მომსახურების შემოწმება;

7.4. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს მიმწოდებელს წუნდების მიზეზების მითითებით.

8. ხელშეკრულების შეწყვეტა

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში;

8.2. შემსყიდველი უფლებამოსილია შეწყვიტოს ხელშეკრულება მიმწოდებლისთვის ვალდებულების შესრულების შეუძლებლობის წერილობითი შეტყობინების შემდეგ, თუ:

8.2.1. ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ გაწევა;

8.2.2. მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

8.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

8.2.4. საქართველოს კანონმდებლობით გათვალისწინებულ სხვა შემთხვევებში.

8.3. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. მხარეების მიერ წინამდებარე ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოს მოქმედი კანონმდებლობის შესაბამისად.

9.2. ხელშეკრულების რომელიმე მხარის მიერ წინამდებარე ხელშეკრულებით გათვალისწინებული ვალდებულების დარღვევის შემთხვევაში დამრღვევი მხარე ვალდებულია მეორე მხარეს აუნაზღაუროს ვალდებულების დარღვევით მიყენებული ზიანი.

9.3. წინამდებარე ხელშეკრულების შეწყვეტისას შემსყიდველი უფლებამოსილია ხელშეკრულებით ნაკისრი პირობებისა და ვალდებულებების შეუსრულებლობის გამო დააკისროს მიმწოდებელს პირგასამტეხლოს გადახდა ხელშეკრულების ღირებულების 10%-ის ოდენობით.

9.4. ხელშეკრულების რომელიმე მხარის მიერ წინამდებარე ხელშეკრულებით გათვალისწინებული ვალდებულების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია, გადაიხადოს პირგასამტეხლო შეუსრულებელი ვალდებულების 1 %-ის ოდენობით, ყოველ ვადაგადაცილებულ დღეზე.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, საქონლის მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ წინამდებარე ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2. წინამდებარე ხელშეკრულების 11.1. პუნქტით გათვალისწინებულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანხმოება, ის გარემოება, როდესაც წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა წინამდებარე ხელშეკრულების 11.1, 11.2. და 11.3. პუნქტებით გათვალისწინებული შემთხვევებისა.

11.5. ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება, ან უარესდება ხელშეკრულების პირობები დამკვეთი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.6. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობის გაზრდა.

12. ხელშეკრულებაში ცვლილებებისა და დამატებების შეტანის წესი

12.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით;

12.2. თუ რაიმე წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წინასწარ, ცვლილებების განხორციელების სასურველ თარიღამდე სამი სამუშაო დღით ადრე, წერილობით შეატყობინოს მეორე მხარეს. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

12.3. წინამდებარე ხელშეკრულების პირობების ნებისმიერი ცვლილება და დამატება უნდა გაფორმდეს დამატებითი შეთანხმების სახით მხარეების ან მათ მიერ უფლებამოსილი პირების მიერ, რომელიც ჩათვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ

13.2. იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების ელექტრონული ხელმოწერის/ელექტრონული შტამპით დამოწმების დღიდან და მოქმედებს 2020 წლის 30 სექტემბერის ჩათვლით.

16. დასკვნითი დებულებები

16.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად;

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4. წინამდებარე ხელშეკრულება შედგენილია ქართულ ენაზე, ხუთ გვერდზე. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველი:

სსიპ - ცხოველთა მონიტორინგის სააგენტო

დირექტორი მოადგილე

მიმწოდებელი:

სსიპ სოფლის მეურნეობის სახელმწიფო

ლაბორატორია

დირექტორი

_____ / ლევან მამალაძე /

_____ / ირაკლი გულებანი /